



Pou Piblikasyon Imedya: 7/11/2022

GOUVÈNÈ KATHY HOCHUL

**GOUVÈNÈ HOCHUL ANONSE 96 MILYON DOLA POU AMELYORE SEKIRITE NAN  
ÒGANIZASYON SAN BI LIKRATIF YO KI GEN RISK SIBI ATAK AK KRIM  
RAYISANS**

*Organizasyon san bi likratif yo ka aplike kounye a pou 50 milyon dola atravè  
Pwogram Sekirize Kominote yo Kont Krim Rayisans Eta a, ki se pi gwo finansman  
ki janm disponib.*

*Yo bay 240 òganizasyon san bi likratif finansman federal ki totalize 46 milyon dola  
atracè Pwogram Sibvansyon pou Sekirite Òganizasyon San Bi Likratif Ajans  
Jesyon Ijans Federal la*

Gouvènè Kathy Hochul te anonse jodi a ouvèti peryòd aplikasyon an pou 50 milyon dola pou ranfòse mezi pwoteksyon ak sekirite nan etablisman òganizasyon kominotè san bi likratif yo ki gen risk pou sibi krim rayisans oswa atak akoz ideyoloji yo, kwayans yo, oswa misyon yo. Finansman sa a se pi gwo kantite lajan ki disponib atravè pwogram nan. Òganizasyon san bi likratif ki te deja resevwa sibvansyon kapab kounye a aplike pou novo pwojè sekirite, epi pou premye fwa, yo pral konsidere pwojè sekirite sibè pou finansman. Anplis de sa, Gouvènè Hochul te anonse 46 milyon dola nan finansman federal pou 240 òganizasyon san bi likratif atravè eta a ki fè fas ak yon ogmantasyon risk atak teworis. Finansman enpòtan sa a pral ede ranfòse sekirite enstalasyon yo, epi tou amelyore preparasyon an jeneral.

"Rayisans pa gen plas nan New York, epi nou pral kontinye sipòte òganizasyon ki pi vilnerab fas ak atak mechan ak vyolan yo", **Gouvènè Hochul te deklare**. "Avèk nouvo seri finansman san parèy sa a, enstalasyon ki gen risk sa yo pral kapab finanse prekosyon sekirite yo, ki gen ladan pwojè sekirite sibè, pou pwoteje moun vilnerab yo kont moun ki ta atake yo akòz ideoloji, kwayans yo oswa misyon yo."

Finansman sa a ak efò sa yo se etap pozitif nan batay nou kont rayisans ak entolerans. **Gouvènè Adjwen an Antonio Delgado te deklare**. "Gouvènè a ak mwen pral fè tout sa nou kapab pou asire ke moun yo ak òganizasyon ki nan vil nou yo ak nan eta nou yo pwoteje kont zak rayisans."

**Komisè Divizyon Sèvis Jistis Kriminèl (Division of Criminal Justice Services, DCJS) Eta New York la, Rossana Rosado, te deklare**, "Yon krim rayisman kont yon

Nouyòkè se yon krim rayisman kont nou tout. DCJS fyè pou l'administre finansman sa a epi mwen bat bravo pou Gouvènè Hochul pou sipò san fay li nan efò n ap fè pou ranfòse sekirite òganizasyon ki riske pou yo vize yo epi pou ede pwoteje moun ak fanmi ki benefisyè sèvis enpòtan yo bay yo."

**Komisè Divizyon Sekirite Teritwa ak Sèvis pou Ijans Eta New York la (Division of Homeland Security and Emergency Services), Jackie Bray, te deklare**, "Pi gwo priyore Gouvènè Hochul a se kenbe Nouyòkè yo an sekirite, epi fon sa yo pral ede pwoteje enstitisyon san bi likratif nou yo kont moun ki motive ekstremis ki ranpli rayisans. Nou pa ka tann pou kontinye travay ak patnè san bi likratif nou yo pou asire New York rete yon kote ki an sekirite pou bay sèvis ak fè biznis."

**Reprezantan Adriano Espaillat te deklare**, "Nou dwe rete vijilan e angaje nou nan efò nou pou konbat risk nasyonal ak entènasyonal ki menase ranvèse lavi chak jou nou, epi sa pral mande pou nou chak travay ansanm pou asire sekirite publik nan tout kominote nou yo ak pwogram nou kreye yo. Mwen felisite Gouvènè Hochul pou anons jodi a sou pi gwo kantite finansman eta ki deziyen pou ede ranfòse sekirite òganizasyon san bi likratif ak òganizasyon kominotè nou yo, epi mwen ankouraje tout pwogram ki kalifye nan distri mwen an pou aplike pou finansman sa a pou amelyore sekirite ak preparasyon yo nan etablisman yo ki sijè sible epi risk pou krim rayisans ak lòt menas potansyèl."

Anons jodi a fèt pandan ensidan rayisans ak prejije pèsiste nan tout New York epi yo te avèti otorite federal yo sou menas sekirite nan eta vwazen yo ki vize enstitisyon reliye yo. Krim rayisman yo afekte tout kominote yo yon fason negatif epi ki pa pwopòsyonòl, pa sèlman sib yo vize yo. Pandan ke kantite ensidan krim rayisans yo sinyale bay lapolis nan eta a reprezante yon ti fraksyon nan krim total yo, ensidan sa yo twomatize epi alimante pèrèz nan tout kominote a, Eta New York retrase ensidan sa yo separeman pa rapò ak lòt krim pou yo ka siveye tandans yo, epi yo ka pran mezi pou anpeche yo rive an premye.

Founi pa Ajans Federal pou Jesyon Ijans (Federal Emergency Management Agency, FEMA) atravè Pwogram Sibvansyon pou Sekirite Òganizasyon San Bi Likratif (Nonprofit Security Grant Program), yo ap afekte 46 milyon dola nan New York atravè de prim separe - 38.8 milyon dola pou òganizasyon nan Zòn Metwo Vil New York ak 7.2 milyon dola pou òganizasyon yo nan tout rès eta a. Divizyon Sekirite Enteryè ak Sèvis pou Ijans yo (Division of Homeland Security and Emergency Services, DHSES) nan Eta New York jere pwogram sa yo nan kolaborasyon etwat avèk entèvenan lokal yo. 240 òganizasyon san bi likratif ki ap resevwa finansman federal yo gen dwa itilize sibvansyon sa yo pou plan ki detaye jesyon risk sekirite, kontinite operasyon yo, ak repons ensidan yo; ekipman amelyorasyon sekirite fizik, ak sistèm enspeksyon ak tès depistaj; fòmasyon pou tirè aktif, ak fòmasyon sekirite pou anplwaye, manm oswa kongregasyon an; egzèsis repons; ak pèsonèl sekirite kontra.

Administre pa Divizyon Sèvis Jistik Kriminèl (Division of Criminal Justice Services, DCJS) Eta New York, pwogram Sekirize kominote yo kont Krim Rayisans lan ki finanse

pa eta a ap chèche pwopozisyon pou 50 milyon dola, ki prevwa sipòte apeprè 1,000 pwojè atravè eta a.

Kreye an 2017, pwogram lan bay finansman pou ranfòse mezi sekirite yo epi anpeche krim rayisans kont sant kominotè sivik san bi likratif ak, mize kiltirèl, sant gadri, ak lòt òganizasyon san bi likratif ki ka vilnerab akòz ideoloji yo, kwayans yo, oswa misyon yo. Finansman sa a ka itilize pou sipòte amelyorasyon sekirite eksteryè oswa enteryè, ki gen ladan men pa limite a ekleraj, kadna, alam, bouton panik, kloti, baryè, kontwòl aksè, vè ki pa ka kase, fim anti eksplozyon, sistèm adrès piblik, epi pou premye fwa a, mezi pou ranfòse sekirite sibè. Finansman yo ka kouvri tou depans ki asosye ak fòmasyon sekirite. Jiska jounen jodi a, yo te bay plis pase 600 òganizasyon san bi likratif yon total 83.1 milyon dola pou sipòte apeprè 1,700 pwojè.

DCJS pral aksepte aplikasyon pou jiska 50,000 dola pou chak pwojè; chak òganizasyon ki kalifye ka soumèt jiska twa aplikasyon pou yon montan maksimòm ki se 150,000 dola a. Yon òganizasyon ki elijib kapab tou soumèt yon aplikasyon separe pou jiska 50,000 dola pou finanse yon pwojè sekirite sibè. Yo dwe soumèt aplikasyon yo bay DCJS anvan madi 31 janvye 2023. Vizite [paj sit wèb Sibvansyon/Finansman DCJS la](#) pou kondisyon kalifikasyon, enstriksyon, direktiv ak lòt enfòmasyon yo.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Chanm Egzekitif | [press.office@exec.ny.gov](mailto:press.office@exec.ny.gov) | 518.474.8418